


ილია ჭავჭავაძე



მეუ
თქმის
მეგობარი
მეგობარი
მეგობარი

ს ა ზ ლ ი გ ბ ა მ ი

19 თბილისი 46

ქვე დიმიტრი თავდადებული

(ეუძღვნი თ. პეტრე ნაკაშიძეს)



ქმე დღე იყო, ტვირთმძიმი და დამაშვრალი
საყდრის წინ ჯგუფად ხალხი იდგა და ჰყაყანებდა;
იქავე ახლოს, ცაცხვის ხის ქვეშ ერთი საწყალი
ბრმა მეფანტურე იჯდა ცალკედ და მღუმარებდა.

„ეჰ, რას ჰყაყანებთ“, — დიდახა ყმაწვილმა ბიჭმა, —
შინაც ძლივს ვუძლებთ დღე-მუდამის ჰირს, ვაგლახობას!
აქ მაინც ცოტად ფრთა გაშალოს გულის წადილმა...
ბრმა მეფანტურეც, გვითხარ რამე, მამა-შვილობას!

გვითხარი რამე, ბერო-კაცო, ნასმენ-ნახული,
ეგებ გულს ეანგი მოაშორო კარგის ამბითა...
კარგს მთქმელს ტყვედ რჩების ნატკივარი გული ჩაგრული,
გული გაზრდილი ვაებოთა, წეით და დაგვიოთა*.

ბრმა მეფანტურე გაიმართა მაშინვე წელში,
სახე ღრუბლივლი გაუნათლდა რალაც მადლითა;
მისწვდა, აიღო ფეის უბრალო ფანტური ხელში,
დაჰკრა ფანტურსა და დამღერა ნელისა ხმითა:

„მოდი, შვილნო, აქ მოგროვდი,
გეტყვით გულის გასათბობსა, —
ვინ ვიყავით, რა ვიყავით
ჩვენ ქართველნი წინა დროსა.

იმ დროს, როცა ქართველის ბედი
ჩვენ ქართველთვე გვეპყრა ხელში,
როცა მამულის-შვილობა
სასახელოდ იყო ჩვენში.

შვილნო, თქვენნი წინაპარნი
ეგრე გულქვად რაღი იყვნენ...
ძმა ძმასა და მამა შვილსა
მამულს ხოლმე შესწირვიდნენ.

შვილის ყოლა გლეხს თუ ჭაფაძეს
მარტო მისთვის გვიხაროდა,
რომ მამულსა მეომარი
მით ერთი ემატებოდა.


ტკბილსა ძუძუს დედა შვილსა
იმ იმედით აწოვებდა,
რომ სიცოცხლით ან სიკვდილით
ის მამულს ასახელებდა.

უწინ ქართველს უხაროდა
მამულისთვის მტერთან ომი,
ან მოჰკლავდა, ან თავის-თავს
შეაქლავდა როგორც ლომი,

მამულისთვის ვის ახსოვდა
განსაცდელი განსაცდელში!
ტრფობა გეჭონდა გულში აბჯრად
და სატევრად — ხმალი ხელში.

ეგრეთ, შვილნო, აქ სცხოვრობდა
უწინდელი ქართველის შვილი,
მის მუდამი ნატვრა იყო
ან სახელი, ან სიკვდილი.

მათს მომდევარს ყოველს თქვენგანს
ჰყენდა დიდი წინაპარი...
რჯულის დაცვა, მიწა-წყლისა
მის მოწამედ თქვენ წინ არი...



II

ჩება რა ვართ? საწველ ფუჭად
თავი ჩვენი გადავიტყით.
ის სახელი, ის დიდება,
ის ოჯახი დავაქციეთ...

რაც ვყოფილვართ, ის აღარ ვართ,
რაც ვართ, ის ნულვარ ვიქნებით...
ღმერთი გვიხსნის, თუ შვილთ მაინც
გზად და ზილად გავედებით.

წინა კაცი უკანასი
ზილიაო, ნათქვამია,
ღღუის ეაგლას ამით დასძლევეს,
ვინცა ხვალისა მდომია.

ტყუილია სულთქმა, უში,
კაცი უნდა კაცად იყვეს,
სანთელსავით თვით დაიწვას
და სხვას კი გზას უნათვიდეს.

ამით იყო საქართველო
უძლეველი და ძლიერი,
ამით ედგა მტერს გულდაფულ
ეს პატარა ქართველის ერი.

III

ჩუჭრი მიგდეთ, გეტყვით ამბავს
უტყუარსა და მართალსა:
ერთი მეფე თურმე ჰყვანდათ
უწინ ჩვენ შამა-პაშასა.

დიმიტრი ერქვა სახელად,
მზარ-ბექ-პრტყელი, ტანმაღალი,
ჯიშითში თუ შვილდ-ისარში
არავინ ჰყვანდა ბაღალი.

კაცი იყო, მეფე-კაცი,
თვალად, ტანად მშვენიერი,
გარეთ რისხვით მტრისა მსრველი,
შინ მოწყალე, ღვთისნიერი.

ლამით თურმე ჩაიცვამდა
უბრალო კაბა-ჯუბასა,

წამდ და ინახულებდა
საწყალის ხაღხის უზანსა.

მოვილიდა ქვერის და ოხერს,
დაერდომილსა და ოზოლსა;
თავის ხელით ურიგებდა
მოწყალებას და საზრდოსა.

ვის ჩაც გულში დარდი ჰქონდა
წავა — იმას შენჩივლებდა,
გლახის, ობლის, ჩაგრულისას
სარჩლსა არ ითავილებდა.

ყველგან იმის სამეფოში
თხა და შტელი ერთად სძოვდა,
ერი, ბერი, ოზოლ-ქვერივი
სულ იმის დღეს ჰლოცულობდა.

IV

„მის დროს იყო ყეინობა,
მეფე ყეინს ჰმორჩილებდა,
მაგრამ თავის ქვეყნის საქმეს
თვის ნებაზედ განაგებდა.

ერთხელ ყეინს აეშალა
თათარივე ქატი ერთი,
იმძლავრა და გადიყენა
წახეყარი სათათრეთი.

მეფე ჩვენი ყეინს თუტაზე
არ გადუდგა სხვასავითა...
ვაფი-ქატის წესი არის —
ქატს შეჰრჩება ძმასავითა.

შეიბნენ და შეიჭიდნენ
ყეინი და გადგომილი;
ძმას ძმის ძვალზედ ატეხინეს,
მამის სისხლსა ღვრიდა შვილი.

დამარცხდა ბოლოს ყეინი,
გამდგარმა აკი აჯობა,
ის მოკლავდა თვით დამწყრო
სათათრეთის ბატონობა.

ის ხომ მოკლა, მის ცოლ-შვილიც
ცხენსა კუდით ათრევინა,
საუა კი მის მომხრე აყო,
თავები დააყრევინა.

V

„ჯერი მიდგა ჩვენს შეფეზეც...
— რატომ მე არ მომიდგათ,
იმას ცოცხალს არ გაეუშვებ,
თუ პირში სული მიდგაო.»

გაუგზავნა მოციქული:
— «გამოცხადდი ჩემ-წინ შენო,
თუ არ მოხვალ, შენს ქვეყანას
ნაიარ-ტუტას ავაღენო.»

დაგვიღონდა მეფე ქველი,
იმ ურჯულოს მიხედა წადილს,
ისიც იცის, — იმ ღვთის-რისხვას
ჯართ სიძრავე შესწევს ქადილს.

რა ჰქნას? თითონც მამაცია,
მამაციც ჰყავს ჯარი, ერი,
მაგრამ ერთს რომ ასი გცემდეს,
კლდეც რომ იყო, გაგტეხს მტერი.

დიდს ჩავარდა საგონებელს,
შეუღდა ბჭობას, რჩევასა...
— «წავალ — მომკლავს, და არ წავალ —
ამიოხრებს ქვეყანასა.»

ბოლოს ბძანა: — «თავს მოუყერი
მღვდელმთავართ და დიდებულთა,
ოცჯერ ზომეა, ერთხელ ჭრაო —
წესია მეფეთ ქებულთა.

ენახოთ ერთი, რას მეტყვიან, —
წასვლას, თუ წაუსვლელობას?
ორში ერთს რას აირჩევენ, —
მეფის, თუ ქვეყნის დამხობას?»

VI

„ბძანა და მსწრაფლ შეიყარნენ
დიდებულნი, მღვდელმთავარნი,

ვეზირნი და ნაზირები,
ბჭე-მდივნები, სასალარნი.

წადგა მეფე კრების წინა
თამამად და დიდებულად;
ყველამ, დიდმა და პატარამ
თაყვანი სცეს ბატონს ყოფილად
ასე ჰშვენის მეფე იმ დღეს
ტანად, თვალად, იერიშად,
მნახველთ თვალი ვერ გაიძღეს
იმის ჰერეტით, ყურადღივად.

უბძანა თუ: — «დიდებულნი,
საქმე მძიმე მაქვს თქვენთანა...
ის დღეა დღეს, — ან მე გიყფ,
ან ჩვენი ტურფა ქვეყანა.

შეიტყობდით, მომივიფიდა
ყეინისა მოციქული,
აქ მოდიო, მე მიბარებს
ჩემზედ გაბოროტებული.

თუ არ მოხვალ, მე მოვალო,
აგოხრებ ქვეყანასა,
საცა კი ფეხს დავადგამო,
ავადენ ნაცარ-ტუტასა.

თუ წავედი, თქვენც ხომ იცით
მე სიკვდილი არ ამცდება...
თქვენ რას მირჩევთ, მართალი სთქვით,
მართლის თქმაა ერთგულება.»

VII

„დიდებულნი წინ წამოდგნენ
ამ ამბით შეწუხებულნი,
ფივიდნენ და თაყვანი-სცეს,
აემღვრიათ მწარედ გულნი.

— «მეფეც! ნეტა რა გვიბძანე,
რა ასმინე ყურსა ჩვენსა!..
თუ შენ მოგკელენ, შენს სანაცვლოდ
რალა დარჩეს ერსა შენსაჲ!

თუ შენ აღარ გეყოლები,
რად გეინდა სახლი, ქონება...
ჩვენ შენისთანა დიმიტრი
სხვა არეინ დაგვებადება.

მოვიდეს, რომ იმუქრება
ის ურჯულო სისხლის-მსმელი,
მოვიდეს და წინ დახვდების
შენი ერთგული ქართველი.

მტრის მუქარას ერი შენი,
გვითხარ, როდის გაჰქცევია,
გვითხარ, როდის ქვეყნის მტრის წინ
ქართლს უყან დაუწევია!

ბძანე და იმ მუქარასა
ჩვენს მოსისხლეს შევანანებთ,
ან შევმუსრაეთ მამა-პაპებრ,
ან მეფისთვის თავსა დავდებთ.

სირცხვილია ერისთავის,
თავის მეფე მისცეს მტერსა...
მეფევე, სირცხვილს ნუ შეაჰმევ
ერსა შენსა შემნატვრელსა.

ნუ, ნუ გვაჰმევ ემაგ სირცხვილს,
წამოიღოს შეილის-შეილაძი...
აჲ მოვიდეს, მის დახვედრა
ამ ჩვენს ჭელზედ დააჰდიე.»

VIII

„ეხლა წადგა სპასალარი...
— მეფევე, რაც სთქვეს, მართალია.
შენ წახვიდე, შენ იჲ მოგვლან, —
ჩვენ წელზედ გვერტყას ხმალია?!

თუნდ რომ დავრჩეთ, ვინ რას გვერტყის,
რით ჩავრცხობთ ეს სირცხვილი?
არა, მეფევე!.. ძველებს უთქვამთ, —
სახელიო, ან სიკვდილი.

ნუ შეგვიშლი მამათ ანდერძს,
სირცხვილისგან დაგვიხსენი!..

მეფეს ვფიცავ, — მამა-პაპებრ
დღესაც გასჭრის ხმალი ჩვენი.»

ბატონმა თავი ჩაჰკიდა
მოეგუბა თვალში ცრემლი...
დიდ ხანს იყო დაღონებით
ეგრე თავჩაქიდებული..

IX

„ბოლოს ბძანა: — «ეს ქვეყანა
ღვთისაგან მაქვს მონაბარი...
მე დავრჩე და იგი წახდეს,
მითხარით, რა მადლი არი!
ათი ერთზე რომ მოვიდეს,
მუქარას მტერს შევანანებ:
რა ვქნა, — ასი ერთზედ მოვა,
ამას ვწუხვარ და ვვალალებ.
ჩვენი კაცი ერთი-ასსაც,
ვიცი, არ შეუშინდება,
მაგრამ ბოლოს სიმრავლე გეძლევა,
ხალხი ურგოდ გამიწყდება.

მერე უკაცურს ქვეყანას
დასწევას, დაპბუგავს. დაანგრევს,
საყდრებსა და მონასტრებსა
დააქცევს, მიანგრ-მოანგრევს.

ხატებს, მამათ სალოცავსა
წამურტლავს და შეგვიგინებს,
ამოიღებს მკედრებს საფლავით,
ძაღლსა და ღორს ათრევიანებს.

ქალწულთ-ქალზედ ძალით მივა,
წაპბილწავს, ნამუსს დაუმხობს;
ორსულ ღედაკაცებს კიდევ
მუცლებსა ხანჯლით დაუპობს.

ღედას თავის ძუძუთა-შვილს
კბილითა დააგლეჯინებს,
უსუსურს ბავშვებს ძნად ჩაშლის
და ზედ კალოს ალეწვინებს.

X

«ამდენი სული უბრალო
ტანჯვითა ამოწყდებიან,
საწყალის ხალხის ცოდვითა
ქვანიც კი ატირდებიან.

ქვეყნის ამოდენი ცოდვა
ჩემს თავზედ დატრიალდება,
წაწყმდება აქაც და იქაც
დიმიტრი მეფის ხსენება!

ეს სულ რისთვის? მარტო მისთვის,
რომ მე შიშსა გავექეცი,
ჩემი თავი გადვირჩინე
და ერი კი წყალს მივეცი.

მე მეფე ვარ და მეფობის
რიგიც ვიცი რაში არი...
ფუ იმ მწყემსსა, თავს უშველოს
მგელს დაუდღოს თავის ცხვარი...

სირცხვილს ამბობთ! — რა სირცხვილი?
მე ვეძლევი ნებით მტერსა,
ჩემს სიცოცხლეს, ჩემსა სისხლსა
თითონ ვწირავ მე ჩემს ერსა.

თუ სიკვდილი სახელად გაქვთ
მაგდენს ჩემთვის — ერისათვის,
მაშ რად მიშლით თავდადებას
მე ერის — მთელის ერისათვის!..

არა! წავალ, არ დავდგები,
დე ასრულდეს ნება ღვთისა,
ხორცი მოკვდეს, სული ცხონდეს
მეფის თქვენის დიმიტრისა.

XI

«შენ რას ბძანებ მღვდელმთავარო?
სიტყვა შენი გვიღირს ძვირად:
მართებს თუ არ ერისათვის
მეფეს თავი გასაწირად?»

ატირდა და მოახსენა:
— «ჰე, მეფეო, მე თქმა მიჭირს,

მართალს ვიტყვი, თუმცა შენთვის
სული მიწუნს, გული მიტრის.

მეფე, უნდა თავი დასდო
ერისა და ქვეყნისათვის,
ღმერთს შესცოდავს, ვინც გამჟღავნებს
მე ამ მწარე რჩევისათვის.

მეფე, რაკი ბედმან დაგდო
შენ ეგ შიში საზღაურო,
სხვას უკეთესს ვერას გირჩევს
სიყვარული ბატონ-ყმურს...

ესტორ და გირჩევ თავგანწირვას,
რაკი რომ ეს დღე გვეწვია, —
მოყვასთათვის თავდადება
ქრისტე-ღმერთის ანდერძია.

ესტორ და გირჩევ ღვთის სახელით
ხორცი დასითხო სულისათვის,
უკვდავება არ დაჰკარგო
წუთის-სოფლის გულისათვის...»

XII

„მეფეს ძლიერ მოეწონა
მღვდელმთავრისა სიტყვა ბრძნული,
წარღვა ისევ კრებულის წინ
უფრო გათამამებული:

— «დიდებულნო, ხომ ისმინეთ,
რაც სიტყვა წმინდა მღვდელმთავარმა..
მოყვასთათვის თავდადება
გვიბრძანაო მაცხოვარმა.

ნუ გადმიყვანთ ღვთისა სიტყვას,
ერს მეფე ვერ ვუღალატებ!..
წავალ და, თუ ღმერთს სწადიან,
ერისათვის თავსა დაესდებ.

მე წავალ და ეს ქვეყანა
თქვენ უნდა გებარებოდეს,
ღარიბს ისე მოუაროთ,
რომ მდიდარს არ შენატროდეს.

გლებს თუ თავადს, დიდს თუ მცირეს
მადლი თანასწორ მოპვინოთ,
ობოლი, ქერივი, უძლური
ძლიერს არ დამიჩაგვრინოთ.

თუ დავბრუნდი, თქვენს სამსახურს
გადავიხდით ორად ერთსა,
თუ არა და — სული ჩემი
შეავედრეთ მაღალ ღმერთსა.»

ატირდა და აატირა
ყველა კაცი იქა მდგომი:
გულის სილბო სიტუტრფეა,
თუ კაცი სხვაფრივ ლომი.
მართალს ვაუკაცს ის ამშვენებს,
როცა გულითაც ლბილია;
რკინის კაცის თვალში ცრემლი
ღიღსულოვნების შვილია.

XIII

„ბძანა და მსწრათლ დაიშალა
დიღებულთა იგი კრება...
უხმო მხლებელთ და უბძანა
წასასვლელად მომზადება.

სთქვა და ურდოს კიდევ წავა
მეფე იგი უშიშარი,
თქმულა: გმირის კაცისათვის
თქმა და კმნაო ერთი არი.

გათავეს სამზადისი
და მოვიდა დღეც წასვლისა;
ვით ჯინქველა ჰფუსფუსებდნენ
შინა-ყმანი სასახლისა.

ხმა გავარდა ქალაქშიაც:
მეფე ჩვენთვის სდებს თავსაო,
უშლიდნენ, არ დაიშალა, —
ვერ ვუღალატებ ხალხსაო.

შეიძრა მთელი ქალაქი,
ხალხი ეცა ერთმანეთსა,

მოზღვავედა და იგრაილა
და მიაწყდა სასახლესა.
მივიდნენ, ნახეს მზად არი
რაზმი მეფის ამაღისა,
სულ სავსეა ცხენოსნებით
მოედანი სასახლისა.
წინათ ბარგით გაეგზავნათ
ჯორი, ცხენი დატვირთული,
აქ ვინც იყო, სალთად იყო,
ტურთად კაზმულ-დახატული.

XIV

„თავადნი და აზნაურნი
სულ ოქროს და ვერცხლში იხდნენ,
ვერ იტყოდი, ვინ ვის სჯობდა, ---
ყველა ასე კარგნი იყვნენ.

წყობით იდგნენ და ისმოდა
აბჯრისა და რახტის ეღერა,
საამოა გაწყობილის
ვატკაცობის რაზმის მზერა!

კაცი თვალს ვერ აშორებდა
მხედარსა და იმის ცხენსა,
თვით წუნი წუნს ვერ დასდებდა
მათს სიკეთეს, სიტურფესა.

მარჯაჲდ ცხენს ბევრს სხვასაცა
რაზმ-გარეთა ატარებდნენ,
მათი მხედნი დიდებულნი,
მეფეს სასახლეში ახლდნენ.

იმ ცხენებს მორთულობა
კაცს უშურველს შურს მოჰგვრიდა,
მძიმე რახტით დატვირთულნი
თითო — თითო სოფლად ჰღირდა.

მაგრამ მათში ერთი იყო
თეთრი ცხენი არაბული,
უკეთესს ვერ ინატრებდა
კაცის უძლომელი გული.

მეფისა იყო ის ცხენი,
თამამი — თითქო ვეფხვია,
იმის უზანგში მეფის მეტს
ვერვის შეედგა ფეხია.
ამაყი იყო ლომსაყით
და ნაზი როგორც შველია,
სხვა მას ვერ იმორჩილებდა —
თუ არ ბატონის ზელია.

ცეცხლს აფრქევდა თვალთაგანა,
ჰქუხდა, სჭექდა, მრისხანებდა,
თითქო ლოდინს პთაქილობსო,
წმფოთავდა და ტოტსა სცემდა.

XV

„გამობძანდა ბოლოს მეფეც,
თან გამოჰყვნენ დიდებულნი,
ბნალ-კაპარჯით გაწყობილნი,
სამგზავროდ გამზადებულნი.

მეფეს ახლდა მხარმარჯვენია
გულმწუხარე მღვდელმთავარი
და მხარმარცხნივ შუბლმეჭრული
ჯავრით სავსე სპასალარი.

მღვდელმთავარი სწუხს და ჰყავს
მეფის თავგადადებასა,
სპასალარი კი პთაქილობს
უომრად დამარცხებასა.

ხალხიც დაჰყდა თავის მეფეს
ვიშოთა და წუხილითა,
მეფეს გული ამოუჯდა,
მათთვის ფულის-ტკივილითა.

უბძანა თუ: — «რასა სწუხართ?
იქმნას, რაც კი საქმნელია...
ერისათვის თავდადება
მეფისათვის სახელია.

რაც მომივა, მომივიძეს,
მე იმისთვის არ ვინაღვლო...

თქვენ ჭირს დაგხსნით... დეე ვიქმნე
მე ქვეყნის ჭირის სანაცვლო...»
ხმა ჩაუწყდა, ველარ-რა სთქვა,
მოეგუბა თ...ლში ცრემლი...
თქმულა: ქვასაცა მაგარსა
გასტეხს ტყვიის რბილი გრდემლი.
მოუმატა ზალხმაც სულთქმა,
ხმა გაისმა ქეთიინისა,
გულსა ჰკლავდა გლოვას ეიში
ობლისა და ქვრივ-ობზისა.


XVI

„უცებ მეფემ თუალი მოჰყრა,
ზალხი გაირღვა შუაზედ;
ორს მარჯვე ბიჭს ზერი-კაცი
მოჰყავთ მის წინ მოედანზედ.
მოჰყავთ ცახცახით, ხანხალთ
ჩაჩანაკი და ბებერი;
მკერდზედ სცემდა თოვლივითა
მოხუცებულს თუთრი წვერი,
მოვიდნენ და გააჩერეს
ის მოხუცი მეფის წინა,
ბიჭები კვლავ მხრებში უსხდნენ,
თუმც ყავარჯენს დაებჯინა.
ის ამ ქვეყნის აღარ იყო,
ფეხი ედგა სამარეში,
მაგრამ მაინც კი უცემდა
ადრინდელი გული მკერდში.

XVII

„მოახსენა: — «ჰე მეფეო,
ნუ შემრისხავ ერთგულ ყმასა!
მე ხომ მხედავ, გარდასრულვარ,
სამარიდამ გაძლეე ხმასა.


მეფევ, კისრად აგილია
ტვირთი ჩვენის შავის ბედის,
ბედისწერას მისცემიხარ
უბედურის ჩვენის ქვეყნის.



ვიცით, რომ არ შეშინდება
 გული მეფის დიმიტრისა,
 როცა ნდომობს თავგაწირვას
 დიდი საქმე ქვეყნის ხსნისა.
 მაგრამ ჩვენ რა გვეშველება,
 ჩვენ, მეფეო, შენთ დამკარგველთ?
 მამობასა ვილა უზამს
 შენგან დაობლებულ ქართველთ?
 ერს ოფლის მღვრელს და ტვირთმძიმეს
 ჭირსა ლხინად ვილა გვიქცევს?
 წუთისოფლის მძიმე უღელს
 შენებრ, მეფევ, ვინ გაგვიწევს?
 ამას ვსტირით, რომ მიდინარ
 და აობლებ შენსა ერსა,
 ჩვენს ბედსა და მშვიდობასა
 ველარ მოუშართავ ხელსა.
 ჩემებრ უძლურს, გაჭირებულს
 მწედ ველარ მიეშველები,
 ღარიბს, ობოლს, ჭერივს და ოხერს
 პატრონად არ ეყოლები!

XVIII

„ნუ სწუხართო!... განა, მეფევ,
 ჩვენ ხელთ არის ეხლა გული?
 რკიხაც იყოს — მაინც დასდნეს
 ამებრ ცეცხლში ჩაგდებული.
 გულს რად გვიცლავ? რად მიდინარ?
 ნუთუ, მეფევ, ხსნა არ არი!...
 ჭედზედ კაცი დაუძახე,
 მოაგროვე სპა და ჯარი.
 ცოტა ვართ, მაგრამ კარგნი ვართ,
 ვიც კია, ყველა ღეგია...
 ბევრჯერ უნახავს ქართველის მტერს,
 რომ ცოტაც ბევრის მძლეგია.
 აჰა, მეფევ, ორი ბიჭი,
 მხრებში რომ ამომჯდომია,



ორიგ ჩემი შვილი არი,
 ერთი მეორის მჯობია;
 შიირთვი და ინაცვალე,
 ჩემს ქვეყანას მტლად დაუდე!
 ომში, მეფეზე გაჩენებენ,
 რა ლომებს ჰზრდის ქართველის ბუდე.
 შეჰკრიბე დიდი, პატარა,
 გაუძელ წინაშელოლად,
 მტერს წინ დახვდი... ვინც უკუ-დგეს,
 დედა შეერთოს ცოლადა!
 ჩვენს საქართველოს, ჰე, მეფეზე,
 ბევრი რამ გადაჰხედია,
 მაგრამ უომრად მტრისა წინ
 არ წაუხრია ქედია.
 ნურც დღეს ვიზამთ ამ საქმესა,
 უომრად ნუ დაეპარცნდებით,
 თუ ვერა ვძლევეთ, დავიხოცნეთ
 სახელითა და დიდებით!..»

XIX

„უბბანა თუ: — «ბერო-კაცო,
 მესმის შენი ერთგულება...
 შაბაშ ქართველს!... გული თურმე
 სამარეზდე გულად ჰრჩება.
 მაგრამ გეტყვი: ჯარს არ შევკრებ,
 არ ეინდომებ სისხლის ღვრასა,
 მართო ჩემს გულისათვის
 არ შევაკლავ მტერს ათასსა.
 ჩვენის ქვეყნის შავი ბედი
 როგორც ტაროსი იცვლება,
 დრო მოვა და თქვენი თავი
 უფრო მეტად დასჭირდება.
 მე ერთი ვარ, თქვენ შრავალი,
 გვიჯობს ერთით ბევრის რჩენა;
 თუ თქვენ მე არ გემეტებით,
 მე რად ვაგიმეტოთ თქვენა?...

განა თითონ ქრისტე-ღმერთსა
გადარჩენა არ ძალ ედვა,
არ ინება და ქვეყნისთვის
ღმერთი იყო და ჯვარს ეცვა.

XX

„მაშ რად არის მეფე, მეფედ,
თუ არ ქვეყნის ჭირთა მძლავრ?
თუნდაც მოჰკვდეს ქვეყნისათვის,
ეგ სიკვდილი სიცოცხლეა.

არ არის მკვდარი, ვინც მოჰკვდეს
და ხალხს შესწიროს ღღენია,
მკვდრად იგი თქმულა, ვისაც აქ
სახელი არ დარჩენია.

არ დავიშლი, ვსთქვი და კიდევ
თავი უნდა გავიწირო,
ისე მოვკვდე, რომ ჩემ გამო
დედა შეილზედ არ ვატირო.

წავალ-მეთქი!... თუ ღმერთს უნდა,
მოხდეს იგი, რაც მიმეღის...
მაგრამ ჯაფრი თან მიმყვება
საყვარელის ჩემის ქვეყნის.

ეჰ, რაც ჰსურდა, არ დასცალდა
ჩემს წყურვილსა სულისასა!...
აწ იქმნას ის, რაც სწადიან
განგებასა უფლისასა.

თქვენ ხომ მაინც აგცილდებათ
ხოცვა, ჟლეტა, სრვა და რბევა...
მე კი... მეყოს, თუ გამყვება
თქვენი ლოცვა და კურთხევა.»

XXI

„თითქო ზეცით ზარი იყო,
თითქო ღმერთი მოველინა, —
ხალხი პირქვე მყის დაემხო
საკვირველის მეფის წინა...

თურმე დიდებას მაღლისას
კაცი მსწრაფლ დაუმონია,
ვით დიდს ბოროტს, ისეც დიდს მაღლს
თავისი ზარი ჰქონია.

XXII

„მეფეს ერი შეეცოდა,
სთქვა:—«მეც ესწუხარ, რომ გზორდებით;
ღმერთს ესთხოვ, იყვნეთ ჩემს შემდეგა
მშვიდობით და გამარჯვებით.

ნურას გიკვირთ, რომ ქვეყნისთვის
მეფე თქვენი თავს არ ჰზოგავს!
ამასა იქმს ყველა, ვინც კი
ქელთ სჭრის და გულით ჰზომაეს.

მე მივდივარ!.. მეფე თქვენი
დიდს და მცირეს გეთხოვებით,
რაც დაგაკლეთ, ნუ შემრისხავთ,
რაც შეგცოდეთ, შემინდევით.»


ბაძანა და ცხენიც მოართვეს,
ზედ მოახტა ვეფხვსავითა;
ცხენზედ იგი დალოცვილი
გამობრწყინდა მზესავითა.

მტერსაც კი რომ დაენახა
თვალი გაუშტერდებოდა;
მისებრი ცხენზედ მოხდენა
ბევრს ვაჟკაცს ენატრებოდა.

გამოეთხოვა ყველაკას.
ვინც კი შინ, სახლშიც პრჩებოდა,
სხვა კი ამხედრდა დიდკაცი
ყველა, ვინც უნდა ჰსლუბოდა.

ამხედრდა თვით მღვდელმთავარიც,
შინ დარჩენა არ ინება,
შეევედრა თან წაყვანას
და მეფეშაც დართო ნება.

წაბრძანდა და თან იახლა
თს ამაღლა და მხედრობა,



უკან მისტირს ერი, ბერი
გლუხოზა. თუ დიდკაცობა.

XXIII

„მინამ მეფე მიმავალი
ურდომდინა მივიდოდა,
იმისი მისვლის იმედი,
ყენისა გადასწყვეტოდა.

ებძანა თავის საზღვლისთვის:
— «შეჰკრიბე ჯარი, ლაშქარი,
წადი, დიმიტრი მომგვარე
ან ცოცხალი, ანუ მკვდარი;
თუ არა, იმის ქვეყანას
შეესიე და მოსრეო,
სულ ძირს დაეც, რაც წინ შეგხედეს,
ქალაქი თუ სიმაგრეო.»

წინ შეხედა მეფეს ეს ჯარი,
მრავალი და უთვალავი,
მაშინვე მიხვდა: აქაო
ამბავია რაღაც ავი.

უხმო მხლებელთ და უბძანა:
— «ფიცსა გთხოვთ და უნდა მომცეთ
თუ უკადრისი მაკადრონ,
თქვენ არავინ ხმა არ გასცეთ.

თავს დაიხრატ, ვერას უზამთ,
ჯარია მოზღვაებული;
თქვენს სიკვდილსაც არ იკმარებს,
თქვენგანით გაბოროტებული, —

წავა და ხალხს ამოგვიფლეთს,
აგვიოხრებს ქვეყანასა...
ნუთუ მთელს ხალხს ანაცვალეთ
ვაუკაცთა თავილობისა?!

ღმერთს აცადეთ... დეე იქმნას,
რაც ჩემს თავზე განგებულა!
ხაცა არ სჯობს, გაცლა სჯობსო,
ბრძენთაგანა ასე თქმულა.

კვლავ ფიცსა გთხოვთ: სისხლს ნუ დაღწერთ,
ნულარ დამიმძიმებთ სულსა...
განკითხვის დღეს მეფეს ჰკითხვენ
ყმის სახლს, უქმად დანთხუელსა.»

XXIV

„რას იქმოდნენ? მისცეს ფიცი
გამწყრალთა, გაბრაზებულთა,
სირცხვილის ჭამა ირჩიეს
ქვეყნისათვის დავალებულთა.
ბევრმა იკრა გულში ხელი.
სთქვა გულმწარედ: «ვად დედას!
დრო მოგვივა და ამ თათრებს
არ შევარჩინო ჩვენს შერცხვენას!»
ბატონმა ბძანა: «ვინა ხართ?
წადით, ჰკითხეთ — რა სწადიან?
თუ მე უნდევართ, აქა ვარ,
ჰქმნან ის, რასაც მიქადიან...»

მალე დაბრუნდა უკანვე
მეფის კაცი მოციქული,
მოახსენა: — «სარდალს ვუთხარე,
მეფევ, შენი ბძანებული;
მითხრა: — «მეფევ შენი გვინდა,
თუ მოგვეცა თავის ნებით,
არას ვერჩით თქვენს ქვეყანას,
აქედამვე დავბრუნდებით...»

იამა, ბძანა: — «მადლი ღმერთის,
რომ ქვეყანა გადმირჩება
და ცოდვილი ჩემი სისხლი
ამაოდ არ დაიდვრება.»

თვით წაბძანდა სარდლისაკენ,
მის წინ შეაყენა ცხენი,
უბძანა თუ: — «მე ვარ მეფე,
რაც გენებოს, იგი ჰქმენი.»

მისცივდნენ უკადრისადა,
ვით ძეს ღვთისას ურიანი,

შეჰკრეს, შეჰბაწრეს ტყვესაგით
მეფე, ხელმწიფე სვიზნი.

XXV

„მიჰგვარეს ყეინს ურჯულოს,
სისხლმსმელს ადამიანისას...

სალერდელი აეშალა,
ვით კრავის წინ მხეცსა ტყისას.

გაწყრა: — «როგორ გაბედებო,
არ გადუდეგ ჩემს მოსისხლეს?
სთქვი პასუხი და იცოდე,
შენი განკითხვის ღლეა ღღეს.

იცოდე, რომ წინვე მითქვამს:
თავი უნდა მოგეკვეთოს!
ამის შეცვლა თითონ ღმერთმაც
ჩემმაც შე ვერ შემომბედოს.

მინამ მოგკლავ, მსურს აქ ჩემ-წინ
შეინანო ბრალდი შენი,
აქ ჩემ ფეხ-წინ აღიარო
შენვე შენი სიმუხთლენი...»

მეფემ უთხრა: — «შენისთანა
ჩემი რა გამკითხველია!
ნუ მოგატყვს თავი იმით, რომ
ძალა აღმართის მხენელა.

შენ-წინ მოთქმა რას მიქვიან?
რას მიქვიან შენანება?
ჩემი განკითხველი არი
ნაბუსი და ჩემი ნება.

ჰქმენ რაც გინდა!... მე არ გკითხავ, —
რად გწადს მომკვეთო თავიო...
სევას ვინ ჰკითხავს, სისხლს რაღა ჰსვამ,
სეავო, რაღა ხარ სეავიო?...»

გაწყრა ყენი ამაყი,
ეს როგორ გამიბედაო!
უბძანა: — «ჰგეგმეთ და სცემეთ,
ბნელეთს ჩააგდეთ ეგაო.»

წაყვანეს მეთე ჩვენი
და საბნელეთში ჩააგდეს;
შემოარტყეს გარს მცველები,
კარს კლიტები დაადეს.

XXVI

„სასჯელს დაუგვიანა
იმ ღვთის-შემობელმა თათარმა,
მინამ მოაკვლევინებდა,
სცემა, ჰგვემა და აწამა;
აწამა, ვით სვეამა ტრედრ,
მეფე იგი საკვირველი
და ვერ გაძლა მის წვალებით
ის უღვთო და სისხლის-მსმელი.

ერთხელ მეფე, ნაწამები
ძლიერად და ულმობელად,
ბნელში ეგდო ძალმხიბილი,
უპატრონოდ, უზრუნველად.

როცა ღონეზედ მოვიდა,
ადგა, მუხლი მოიყარა,
პირქვე დაეშოო ლოცვითა
და ცრემლები გადმოჰყარა.

მოსთქამდა თუ: — «ღმერთო, ღმერთო!
გთხოვ, მიწყალო, შემიბრალო,
რაც გადაშნა, განკითხვის დღეს
მადლად მე არ ჩამითვალო.

მე არა გთხოვ, — მანდ წამება
აქ წამებით შემიმცირო,
მე გთხოვ, — სისხლი აქ დაღვრილი
ჩემი სხვისთვის შეიწირო.

ღმერთო, ღმერთო!... თვალ-წინ მიდგა
დიდ ტანჯული მე ძე შენი...
ვით ძით ყველა, ისეც ჩემით
ერი ჩემი დაიხსენი.»

XXVII

„უეცრად კარი გაიღო,
ჩკინით, კლიტით დაჰყდილი;

ორი ვედაც შემოვიდა
ფესაქრეთით, როგორც ჩრდილი.

მოვიდნენ და თაყვანი ჰცეს
მედებსა გაცეხულსა...

მერე იქნა, მისნი იყვნენ
და ჩაიკრა ორივე გულსა.

მოახსენეს: — «შეღისყიდეთ
და გაეტეხეთ ჭრთამით კარი...
ყველა მზაა!... თავს უშველე,
აწ შენი ხსნა შენს ხელთ არი.

ნულარ იცდი... თუ არ ეხლავ,
მერე გვიანლა იქნება:
ხვალ თავს გჭრიან, — ასეაო
ყვინისა თურმე ნება.»

უბძანა თუ: — «ადრეც მითქვამს,
არ გადვირჩენ სხვისით თავსა,
ჩემ-მაგიერ არ დაფლუპავ
ჩემს ქვეყანას და ჩემს ხალხსა.

ჩემს გაქცევას ხომ ზედ მოჰყვა
ხალხის სრვა და ქვეყნის რბევა!
არა, არ ვიქ!... ტყუილია
თათბირი და ყველა რჩევა!»

ბევრს ევედრნენ და არ გაჰყვა
შეფე თავის ერთგულ ყმათა...
ნეტა რა გულმა გაუძლო
მათ ხვეწნას და მუდარათა!

XXVIII

„გათენდა დღე ზარი-ამხდელი,
ვაი იმა დღის დამსწრესა!
ტყვე მეფე გამოიყვანეს
მოედანსა თავთ-საკვეთსა.

ხალხი, თამაშად მოსული,
ვით ჯინჰველა ირეოდა,
თვით ვეზირიც ყვინისა
იქ იყო და რიგს აწყობდა.

ვეზირს გვერდით ედგა ჯალათი
ერთი რაღაც საზარელი,
ილღიამდინ დაემკლავა
ქარღვიანი ტლანჭი ხელი.

ამ ორ შუა ჩააყენეს
ფერმიხდილი წვალეებითა...
დადგა მეფე... ღმერთს შესხედა
ნაღვლით საესე თვალეებითა.

შერე თვალი იმავ ნაღვლით
მოეფანს შემოატარა...
ის ყოფა და ის ჯალათი
სანახავად შეეზარა...

შეჰკრთა როგორც ხორციელი,
უმისოდაც ჭანც-წყვეტილი,
დასუსტდა და წაბარბაცდა,
როგორც ერთი დაბნედილი.

მაგრამ ისევ თავს უშველა,
არ დაუთმო ხორცსა სული...
ამ დროს ტირილიც მოესმა,
ქვითინი გამწარებული...

გაოცდა. და მიიხედა,
ჰნახა თვისნი დიდებულნი...
სულ მთლად იქ მოგროვილიყვნენ,
ვინც კი იყვნენ თან ხლებულნი.

მღვდელმთავარიც მათთან იყო,
თავთ იცემდნენ პირს იზოკდნენ,
მათის ცოდვით და ვაეებით
ქვებიც კი ატირდებოდნენ.

თავისიანთ დანახვაზედ
მოაგონდა ყველაფერი,
სახლი, კარი, თვისი, ტომი,
ქვეყანა და თავის ერი...

ეჰა, გატყდა რკინის გული,
მეფე მაგითი იძლია!
ამას კი ველარ გაუძლო,
აქ კი ხორცმა სულსა სძლია!

მობრუნდა და ორსაე თვალზედ
 კენესით ხელი მიიფარა...
 ვეზირს უთხრა. — «დამისვენე...
 რაც გადამხდა, ისიც კმარა!...»
 სთქვა და თქმული თვით შეჭაჩადა...
 სახელი არ წაიხდინა...
 «ჰა, ჯალათო!» — დაიძახა
 და კისერი გაიწვდინა.
 მანც აიღო ხელი ნაჯახი,
 ერთ წაშს კისერს დაუსწორა,
 დასცა და ერთის დაკვირდა
 თავი ტანსა მოაშორა.“

(1878 წ.).



რედაქტორი კ. ჭანტუიშვილი
შპატერი ხ. შაისაშვილი
ტექნიკური ნ. კაკუშაძე

გადაეცა წარმოებას 16/I-46 წ. ხელმოწ. დასაბეჭდად 11/IV-46 წ. უმ 00786.
შეკვ. № 134. ტირაჟი 10.000. ფორმათა რაოდ. 2. ანაწყოების ზომა $6 \times 9\frac{1}{4}$.
ქაღალდის ზომა 60×84 .

საქართველოს სსრ სახელმწიფო გამომცემლობის ბეჭდვითი სიტყვის კომბინატი,
თბილისი, ჟორესის ქ. № 5.